

AYERA TAWATA 11-11-11-11 TEMP

LOS LAGA BAI

TA PRESENTA:

BAILADORNAN DI "SOLO"

STA. CRUZ -- Despues di un celebracion di plata durante Aruba su Carnaval 53 na unda Los Laga Bai cu su "Cascabelnan di Fortuna" a demostra un biaha mas cu nan ta e indiscutibel




reynan di ambiente durante e paradanan di carnaval, e aña aki Los Laga Bai ta sigui di fiesta cu e BAILADORNAN DI "SOLO".

Pa Carnaval 54 Los Laga Bai ta bolbe marca un momento historico den su trayectoria carnavalesco. Ta 15 aña pasa, 1994 pa ser exacto, cu pa prome biaha cu Los Laga Bai y Sr. Robert Jeand'or y su Solo Banda Show a yega na un acuerdo dunando asina inicio na un colaboracion musical y ambientoso sin igual den Aruba su mahestuoso carnaval.

Durante e trayectoria largo aki di 15 aña di compañoamento musical na e participantenan di Los Laga Bai, Robert Jeand'or y Su Solo Banda Show a wordo galardona na tres ocasion cu e titulo maximo di Banda di Aña. Na 2002 compañoando 'The Steelband Dancers', na 2005 dirigiendo e 'Piratanan na Boca

Grandi' y ultimo na 2007 deleitando e 'Cascabelnan di Fortuna'.

Los Laga Bai ta haci un yamado na tur su fiel participantenan pa haci bon nota cu dia 1 di December 2007 venidero lo start cu inscripcion. Esaki lo tuma lugar na Centro Kibrahacha na Piedra Plat cuminzando pa 10'or di mainta te cu 4'or di atardi. Manera ta custumber lo pidi un down payment di Afl. 250,-. E suma aki ta consisti di Afl. 100,- pa inscripcion y Afl. 150,- pa material pa e disfraz. Los Laga Bai ta participa cu lugarnan ta limita y por lo tanto esun cu yega prome lo bebe awa dushi. Asina ta un y tur cu kier participa cu Los Laga Bai den Carnaval 54 como un di e "BAILADORNAN



DI SOLO" asisti sin falta dia 1 di December 2007 na Centro Kibrahacha pa 10'or en adelante y sigura nan participacion cu un di e gruponan di carnaval di mas ambiente celebrando e di 15 aniversario di Robert Jeand'or y Su Solo Banda Show como e 'houseband' di Los Laga Bai.

Bishita www.loslagabai.com pa mas informacion.



ORADA DI CARNAVAL A CUMINZA

